

Vanuatu Women's Centre

JANUARY 2022 | ISSUE 3



Ofisal Niusleta blong Vanuatu Women's Centre

GAVMAN BLONG OSTREILIA I SAENEM WAN MOA CONTRACT WETEM VWC



Ostreilia Hae Komisina wetem VWC staff

VWC mo Ostreilia Kavman oli signem wan niufala agrimen wetem funding program we bae istap long nekis 5 yia. Long Monday 8 November 2021, Ceremomi blong signing istap long VWC office we Ostreilia Hae Komisina long Vanuatu, Sarah DeZoeten mo VWC Coordinator, Tatavola Matas saenem agrimen ia.

VWC hemi glad tumas mo hemi kat honour we Ostreilia Kavman hemi signem wan niufala agrimen we istap long nekis 5 yia, Long Monday 8 November 2021. Signing ceremony ia istap long VWC office we lukim Ostreilia Hae Komisina long Vanuatu, Sarah Dezoeten mo VWC Kodineta, Tatavola Matas saenem agrimen ia.

Agrimen ia soem se Ostreilia i agri blong kontinu blong fundem wok blong senta mo saenem phase 8 blong contract blong mekem se VWC hemi save kontinu wetem impoten wok we hemi stap mekem, blong providem essential service iko long ol woman, gel mo pikinini from Domestik Vaelens we oli stap fesem.

VWC bae inosave karemaot eni wok sapos inokat eni funding ikam long Gavman blong Ostreilia since 1994 kasem tedei. VWC hemi bin able blong setemap ol narafala branj, ikat Komiti blong Agensem Vaelens Agensem ol Woman (KAWAW), ikat ol Male Advocates, ikat man we oli wok tu wetem ol komuniti, kasem moa save long ol wok blong EVAWG locally mo internationally mo kontinu wetem ol kaonseling and sapot sevis thru long sapot ia.

VWC I talem tank yu from trust we Gavman blong Ostreilia ikat long Senta, blong hemi save gohet blong fundem ol wok blong hem.

Vanuatu Women's Centre hemi wok wetem plante agencies blong mekem sua se ol woman mo ol gel oli gat akses lo sef mo gudfala sevis blong preventem mo stopem Vaelens long ol woman mo gel.

Vanuatu Women's Centre hemi luksave longtaem sapot we gavman blong Ostreilia i kivim mo tu sapot we Pacific Patnasip blong stopem Vaelens Agensem ol Woman mo ol gel i kivim we European Union, Gavman blong Ostreilia, Gavman blong Niu Zilan mo UN Women i sapotem, mo tu sapot we Oxfam i kivim.

INFOMESEN ABAOT WOK BLONG VWC

Vanuatu Women's Centre hemi bin bon long Septemba 2, 1992. Long yia ia 2022, bae Senta ikat 30 yia.

Hemi wan okanaesesen (NGO) we iwok blong stopem vaelens we igohet long ol gel mo woman. VWC istap kodinetem wan nasonel program blong prevensen mo rispons sevis long hedkuata long Vila. Insaed ikat:

- 5 Branj - Sanma Kaonseling Senta (SCC), Tafea Kaonseling Senta(TCC), Malampa Kaonseling Senta(MCC), Penama Kaonseling Senta(PECC) mo Torba Kaonseling Senta(TOCC).
- Ikat wan rural folentia Netwok blong 39 Komiti Agensem Vaelens Agensem ol Woman (KAWAW), we oli stap mekem aweanes mo ol aktiviti blong helpem ol woman mo ol pikinini.
- wan nasonel netwok blong ol Male Advocate (ol impoten man insaed long komuniti) we oli wok blong tokbaot raets blong ol man/woman mo wok blong stopem vaelens long ol woman mo ol pikinini.

YU SAVE KOLLEM MIFALA LONG

161

DEI O NAET

FRI HELP LAEN

KOLEM NAMBA IA SAPOS YU O WAN

FAMILI MEMBA I NIDIM

HELP O INFOMESEN

BLONG ENI

DOMESTIK VAELENS.



FES WORKSHOP WETEM PORT VILA TOWN COUNCIL OF CHIEFS



Thru long gudfala collaboration wetem Port Vila Town Kaonsel blong Jifs, Workshop ia hemi base long Jenda issues, Domestik Vaelens, Sexual Vaelens, Human Rights mo Likel infomesen. VWC invaetem Cyber Crime Unit, Family Protection Unit mo VPride Rep blong tokabaot issues we hemi relate iko long long ol topik we oli bin discussem during long workshop. Ol partisipen talem se councils oli luksave mo values we hemi impoten blong wok tugeta wetem VWC blong kam wetem gudfala tingting mo gud andastanding tuwods domestik vaelens mo faenem wan solution. Oli luk workshop hemi helpful mo helpem ol patisipen blong faenem wei blong addresssem ol issues blong Domestik Vaelens blong ol Jif oli save protektem ol woman mo gel. Ikat 35 partisipen we oli attendem workshop long Holiday INN long Port Vila long namba 11 kasem 15 Oktoba 2021.

OSTREILIA HAE KOMISINA I HOSTEM WAN PANEL DISKASEN

Olsem Pat blong 16 Dei blong Activism Agensem Jenda base Vaelens, Ostreilia Hae Komisina ihostem wan panel Diskasesen wetem VWC mo Champion long Male Jenda. Hemia wan opportuniti blong serem experience long wok blong stopem vaelens agensem ol woman mo ol gel; mo olgetal staff blong reflectem wanem ol helti mo rispektful rilesensip hemi luk olsem wanem. Helti rilesensip hemi blong buildem sef ples, moa resilient komuniti.

Tok tankio istap ko long Jenda Ikwali mo inklusen komiti blong okenaesem event ia mo istap ko lo Ostreilia Hae Komisina, Jenda Champion, Andrew Robert blong serem experience blong hem.



Source: FB Peig Ostreilia Hae Komisina, Vanuatu

RECLAIM THE NIGHT MARCH LONG PORT VILA TOWN



VWC imekem wan Reclaim the Night March long namba 10 Disemba 2021. Main mesej we oli kivim aot hemi stopem Domestik Vaelens mo defren fom blong vaelens agensem woman, gel mo boy; mo claimem bak safe street blong ol woman mo pikinini, ol disability pipol, ol pipol we oli stap mekem rabis fasin oli mas fri long discrimination mo vaelens we istap hapen long street long Port Vila mo nara ples raon long Vanuatu.



Ol famili, ol frens, bisnis haos mo dona patna oli kam wan ples wetem ol candel mo oli maj long Fatumaru Bay kasem Port Vila Municipal Maket Hoas. Ol toktok ikam long Vanuatu Women's Centre Kodineta, Tatavola Matas mo narafala toktok tu ikam long Ostreilia Hae Komisina, Fes Sekreteri Cathy McWilliam, Niu Zilan Hae Komisina Seken Sekreteri Esther Jens mo UN Women Kantri Daarekta, Betty Toa.

Dipatmen blong Women's Affair I hostem wan discussion.

Long namba 10 Disemba 2021, Depatmen blong Women's Affair I hostem wan impoten discussion long hao blong buildem wan sef wokples we hemi long las dei blong 16 days of activism agensem Jenda based vaelens blong fri long vaelens mo harrasmen. VWC hemi glad blong jonem panel discussion wetem ol narafala stakeholders. Discussion we oli bin tokbaot hemi wanem nao olgeta impacts blong vaelens mo harrasman long ol wokples mo faet agensem issues ia. Yumi mas stanap strong agensem vaelens.

Source: FB Peig Ostreilia Hae Komisina, Vanuatu

NIUS EDITON

Welkam mo Hapi Niu yia 2022 long yu we yu istap ridim niusleta ia mo tankio blong save tekem wan kopi mo save wanem nao VWC istap mekem thru aot long Vanuatu. Long 2021, VWC ibin mekem fulap impact long ol aweanes toktok, woksop, trening mo sevis blong hem long ol pipol iko long ol aelen mo raon long kantri blong helpem ol woman mo pikinini (gel mo boy) long domestik vaelens mo tu ol man ikam long senta blong aksesem infomesen we oli stap liv mo fesem domestik vaelens long hom blong olgeta.

VWC ibin mekem ol sevis mo wok thru aot long Vanuatu blong daonem defdefren fasin blong Domestik Vaelens. Long 16 Days of Activism 2021, VWC mo ol agencies oli wok tugeta blong tokbaot Vaelens Agensem ol Woman mo ol gel long Vanuatu. VWC ibin mekem ol sevis mo wok thru aot long Vanuatu blong daonem defdefren fasin blong Domestik Vaelens. Long 16 Days of Activism 2021, VWC mo ol agencies oli wok tugeta blong tokbaot Vaelens Agensem ol Woman mo ol gel long Vanuatu.

Long yia, Bambae hemi wan busy yia bakeken, blong kontinu tekem sevis blong VWC iko long ol aelen we woman mo ol pikinini we oli stap fesem rabis fasin blong vaelens long hom mo long komuniti.

VWC I wantem talem bigfala tankio iko long ol wokman, ol man lida (Male Advoket) we oli stap wok wetem ol branj, ol KAWAW (rural volentia) mo ol patna blong VWC we oli kivim bigfala sapot long wok we oli stap mekem long komuniti thru aot long yia 2021.

Tok tankio iko long Gavman blong Ostreilia, Gavman blong Niu Zilan mo UN Women thru long Pacific Partnership Program mo Oxfam blong stap kivhan long vatu blong VWC isave mekem wok blong hem, blong daonem ol rabis fasin we istap gohed long ol woman mo ol pikinini.

yumi stanap strong mo kontinu blong tokbaot mo tekem aksen blong stopem vaelens long ol woman mo pikinini. yumi save help blong mekem jenj insaed long famili mo komuniti blong yumi. Mo tu ol man ikam long senta blong aksesem infomesen we oli stap liv mo fesem domestik vaelens long hom blong olgeta. Mi wishim yufala gudfala taem mo stap sef oltaem.

**REAL MAN
DON'T HIT WOMEN AND
GIRLS**

WORKSHOP BLONG JENDA LONG HUMANITARIAN ACTION



Vanuatu Women's Centre Humanitarian Response officer, Anne-Marie Simeon ibin attendem: The Gender in Humanitarian Action workshop long namba 13 kasem 17 Disemba 2021. Wanem hemi lanem long 5 dei hemi wan refresher long hem mo lanem plenti samting long eria blong wok blong hem. Ibin kat plenti grup exercise mo long saed blong disasta, ol defren scenario base long TC Harold wetem grup discussion mo drought long Ethiopia long Africa long jenda base role mo Jenda base vaelens.

Taem ia UN Women wetem assistance blong departmen blong women's Affairs oli facilitatem workshop ia. Ikat 14 patispem oli stap long workshop mo oli kam long defdefren okenaesesen olsem: Police (FPU), VMF, CSU, Chamber of Commerce, Oxfam mo ol narafala law enforcement unit olsem: Shefa Province wetem Vanuatu Women's Centre.

AWEANES TOKTOK LONG NATAWA VILIJ, LONG SANTO



Long namba 17 kasem 19 Novemba 2021, Sanma Counselling Centre ibin conductem wan Mobile Counselling Aweanes wetem eria Administrator tugeta wetem Jif mo komuniti imekem pablik toktok. session istap long Domestik vaelens mo topik we hemi related. taem ia ikat 46 pipol oli attendem aweanes, ikat 19 woman, 6 man, 1 disability man, 8 gel, mo 12 boe we oli student. ol pipol oli soem intres long wanem ol issue blong Domestik Violence. After long session ia, oli kivim aot ol posters, brochures mo niusleta.

MALE LEADER'S WORKSHOP LONG TONGOA



VWC ibin conductem mo facilitatem wan trening wetem Navitidok Council blong Chiefs long Morua, Tongoa, long 11 kasem 15 Oktoba 2021. Ikat Jif Rep blong 14 vilij blong Tongoa mo ol nara lida long komuniti olsem Yut lida, Jois lida mo vilij kaonsel mo Eria admin. Long 5 dei woksop blong ol man long Jenda, Vaelens Agensem ol Woman, Domestik Vaelens, Seksuel Vaelens, Famili Proteksen Loa, Human Raets Toksave mo plan blong hao blong wok tugeta wetem komuiti blong adressem vaelens agensem ol woman mo pikinini.

YUMI EVRIWAN ISAVE STOPEM OL RABIS FASIN WE IGOHET LONG OL GEL, BOE MO OL WOMAN

WANEM NAO YUMI SAVE MEKEM?

- Sapotem ol woman long Human raets blong olgeta.
- Educatem ol woman about domestik vaelens.
- Educatem ol man blong jenjem ol attitudes blong olgeta tuwods ol women.
- ol women we imared oli kat raet blong talem No long ol rabis tritmen we oli stap fesem.
- Yumi mas save law blong kantri blong yumi mo helpem.
- Respectem ol woman.
- Educatem ol man long community blong oli save toktok long raet blong ol woman.

Long namba 10 Disemba 2021 Hemi Makem Intanasonal Dei Blong Human Raets mo tu las dei blong 16 Days of Activism Campaign we hemi stat long 25 Novemba. VWC mo branj isap wok blong stopem vaelens agensem woman, pikinini gel mo boy blong mekem ol komuniti aweanes se hemi wan kraem mo ol rabis fasin blong vaelens agensem human raets. VWC isapotem mo advocates ol human raets blong ol woman, man, gel mo boy. Mifala wantem stopem vaelens agensem woman, gel mo pikinini long Vanuatu. Theme blong 16 Days of Activism hemi: SAFER VANUATU, FREE FROM DOMESTIC VIOLENCE.

TCC: 16 DAYS OF ACTIVISM AWARENESS



Tafea Counselling Centre ibin selebratem 16 days of activism lo lenakel market house long namba 3 Disemba 2021. Oli bin tokbaot 16 days of activism mo Intanasonel dei blong ol pipol wetem disability; mo tu oli mekem aweames abaot Domestik Vaelens. VWC I serem ol posta, booklet mo leaflets abaot VWC sevis long ol woman, gel mo ol pikinini.

PECC IMAKEM 16 DAYS OF ACTIVISM




Long namba 1 Disemba 2021, Penama Counselling Centre ibin makem 16 Days of Activism long Lavatu Market Hoas, long Lavatu, Pentecost. Long dei ia oli bin tokbaot 16 Days of Activism mo deferen foms blong Domestik Vaelens. Jif ikivim tu tokok mo talem se hemi sapotem wok we VWC from se hemi luk taem ofis ikam stap ia, ikat fulap miting insaed long ol nakamal taem vaelens ihapen long woman mo gel. Long taem ia ikat ol man, woman mo ol pikinini oli tek pat long 16 Days of Activism. Taem we oli mekem ol aweanes, oli kivim aot ol posta, booklet mo leaflets abaot ol sevis we VWC istap mekem.



Long namba 21 Septemba 2021 long Wol Pis dei, Torba Counselling Centre imekem aweanes long saed blong VWC sevis, Genda, Domestik Vaelens (ol fasin blong Domestik Vaelens), fasin blong Domestik Vaelens long wan Saekol mo Famili Proteksen Akt. Namba blong pipol hemi 12-woman, 1-gel, 5-man mo 7-boe. Long taem ia oli mekem Mobile Counselling tu long Nerekon – Vanualava.

VWC ACHIEVEMENTS SINCE 1992-2022 RIVERS OF CHANGE



Group drawing during VWC Open Day in 2021

VIOLENCE AGAINST WOMEN

*Vanuatu women centre, I value you very much
And i'm proud of you
Your presence supports me a lot and gives me the sense of power to go on with life,
As local and foreign women,
Different races, speaking different languages.
Practicing different cultures, and different religions.*

*I appreciate your working environment.
Place of defense and rescue center for vanuatu women!
You inspire me as a being
My biological parents
Despite painful phases in life.
Considered less than nothing, without values, without defense*

*In the eyes of the best places
But your presence reassures me
And give me back hope
To cross another stage of life*



*Better than before
Oh wounded women!
Oh young vanuatu girls!
Do not abandon this center*



*Come! Come!
The vanuatu women's center
And a very determined safe place to take refuge today, tomorrow and in the future*

*Never underestimate this centre
Come and inquire for more information
Personally, i am convinced and i am very proud of you.
All appreciations to the vanuatu women centre.*

By Charlotte Wai - 2021

YU HAREM NOGUD FROM OL RABIS FASIN WE ISTAP HAPEN LONG YU?



Vanuatu Women's Centre ikat ol **Kaonsela**, ko storean wetem olgeta o telefon mo toktok long **Fri Laen 161**



Ol helt senta, ikat ol **Nes** mo **Dokta**, hemi impoten blong toktok wetem ol kwiktaem, taem igat rabis fasin blong seks ikasem yu



Ol **polis** oli kivhan long yu, from sefti long laef blong yu mo pikinini. Yu no fraet, ripotem ol rabis fasin ya. Telefon long **22222** o **111 Fri Laen**



Vanuatu Women Centre ikat **Loea**, oli stap kivhan long yu. Toktok long ol long namba **25764**

(Ol toktok ia i kam long posta blong CARE wetem sapot blong Gavman blong Ostrelia)

Branj blong Vanuatu Women's Senta

Vanuatu Women's Senta
Telefon: 25764 /161 (Fri Laen)
Email: vwnc@vanuatu.com.vu o
Fesbuk pej: Vanuatu Women's Centre

Torba Kaonseling Senta: Sola -Vanualava Island Torba Provins -7648145/5493357

Sanma Kaonseling Senta: PO Box 335, Luganville, Santo, Sanma Provins- 36157/7771128

Penama Kaonseling Senta: Lavatu, Pentecost, Penama Provins - 7313952/5986827

Malampa Kaonseling Senta: Lakatoro, Malekula, Malampa Provins -7799165/5683670

Tafea Kaonseling Senta: PO Box 835 Lenakel, Tanna, Tafea Provins 88660/ 7101869